



## Value Added Tax (VAT)

### JENIS LONG VAT I GO ANTAP LONG 15 PESEN (15%)

**BLONG OL MAN WE OLI REJISTA LONG VAT**

**HAO BLONG WOKEMAOT NIUFALA VAT**

Palamen blong Vanuatu hemi bin pasem wan loa blong leftemap level blong VAT we i stap naoia long 12.5% i go long 15% stat long namba 1 Jenuware 2018.

I gat samfala eksampol andanit we i soem ol wei blong wokemaot niufala VAT :

**Kwestin 1: Olsem wanem mi save leftemap praes blong ol samting we mi stap salem blong meksua se mi ingkludum VAT we i go antap ?**

I gat ol defren wei blong mekem, be wanem i moa isi, blong leftemap ol praes blong yu we oli ingkludum olfala VAT finis, hemi blong tekem praes ia taems 115/112.5 blong kasem praes wetem VAT we i go antap long 15%.

Eksampol:

Sapos praes blong wan samting we yu salem long stoa hemi stap naoia long VT 2,250 mo hemi ingkludum VAT long 12.5%, bambae yu tekem praes ia taems 115/112.5.

$VT\ 2,250 \times 115/112.5 = VT\ 2,300$  (hemia praes wetem VAT long 15%) mekem se praes i go antap long 2.5%, we hemi 50 vatu.

**Kwestin 2: Ol praes blong mi oli ingkludum VAT finis. Olsem wanem mi save wokemaot amaon blong VAT (long niufala level) we mi bin ingkludum finis long ol praes blong mi ?**

Sapos ol praes blong yu oli ingkludum VAT finis, bambae i nid blong divaedem praes ia long 7.6667 o yu save tekem praes ia taems 3/23.

Eksampol:

Sapos yu stap salem wan samting long VT 115 we i ingkludum VAT long 15%, bambae yu divaedem amaon ia long 7.6667 o yu tekem amaon ia taems 3/23.

$VT\ 115 \text{ divaedem long } 7.6667 = VT\ 15$  (we hemi amaon blong VAT insaed long praes)

$VT\ 115 \text{ taems } 3/23 = VT\ 15$  (we hemi amaon blong VAT insaed long praes)

**Kwestin 3: Olsem wanem mi save wokemaot amaon blong VAT we mi mas ademap long praes blong mi we i no ingkludum VAT long 15% ?**

I nid blong tekem praes we i no gat VAT insaed taems 3/20.

Sapos yu gat wan samting we praes blong hem hemi VT100 mo ino gat VAT insaed long praes ia mo yu wantem ademap VAT long hem long 15%, bambae yu mekem olsem:

$VT\ 100 \text{ taems } 3/20 = VT\ 15$  we hemi amaon blong VAT blong ademap long praes.

Sapos yu gat eni kwestin long saed blong notis ia o sapos yu nidim moa infomesen, plis kolem tim blong mifala, we hemi Advisory & Education Team, long namba ia 33091 blong tokbaot wari blong yu.